

本草

卷之四

漢記

為

味類
金石
土類
禽獸

鱗介
昆蟲
人類
水類

漢
記

本草
便讀
卷三

味類

吳茱萸

散厥陰之寒。辛苦疏肝降冷濁。**儒雅家之澤芳**治

嘔愈寒疼。故疝瘕腳氣相宜。而鬱結飲邪亦效。吞酸胸滿能

導以下行。疰癖奔豚可用其溫散。

吳茱萸辛苦而溫芳香而燥本為肝之主藥而兼入

脾胃者以脾喜香燥胃喜降下也其性下氣最速極能宣散鬱結故治肝氣鬱滯寒濁下踞以致腹痛疝瘕等疾或病邪下行極而上乃為嘔吐吞酸胸滿諸病均可治之即其辛苦香燥之性概可想見其功然則治肝治胃以及中下寒溼滯濁無不相宜耳

茶

葉

能清心而入胃。滌垢除煩。可消食以行痰。解醒止渴。

芳香清肅。甘苦陰寒。

茶葉處處有之皆產山谷間種類不一大抵以嫩而色香味美者為佳味苦而

甘性寒入心肺脾胃四經能蠲除上焦鬱熱垢膩除痰化食清頭目利二便令人少睡若虛寒之人服之戕敗脾胃易成痰飲等證耳

川椒

氣香有毒。走脾腎燥溼祛寒。色赤入營。達胃肝破癥。

解鬱壯元陽而除痼冷。下焦之水腫堪除。仗辛熱以殺諸蟲。

表裏之疫邪可辟。椒目乃善導水邪下降。苦辛則能使喘滿。

消除。

川椒辛熱香燥之品與吳茱萸相似亦能下氣散結但川椒之色可入血分能下達腎經腎主水故能治下焦

水溼等病其餘治中下寒溼疝瘕諸病與吳茱萸相似但入胃散逆則吳茱萸為優辟惡殺蟲又川椒為勝耳去閉口者用

○椒目色黑味苦功專入腎治水一切腫滿小便不利而致氣逆喘上者皆可用之

胡椒 味辛性熱入肺胃以散寒邪下氣寬中消風痰而宣

冷滯發瘡昏目助火傷陰胡椒味辛性熱入肺胃二經能宣能散開豁胸中寒痰冷氣雖辛熱

燥散之品而又極能下氣故食之即覺胸膈開爽又能治上焦浮熱口齒諸病至于發瘡助火之說亦在用之當與不當耳殺一切魚肉鼈蕈毒故食料多用之

畢澄茄 治療與胡椒相似溫膀胱治腎臟寒凝性味卻辛苦

不同降逆氣散胃中冷滯畢澄茄形如胡椒味苦辛溫不如胡椒之熱但入脾胃溫中散逆下

氣豁痰又能治腎與膀胱冷氣亦凡子皆降之意大抵一物大同小異耳

芫 荑。辛溫善散。可宣肺胃之寒凝。香竄難聞。能起痘疹之

滯遏。

芫荑一名胡荑。辛溫入肺胃散寒快氣。食之爽口腹辟穢惡。畢竟芫荑辛臭之品。故道家列爲五葷之一人之

血氣聞香則順聞臭則逆。若痘疹不起欲用此宣發。吾恐欲順反逆。不如求之他藥爲穩耳。

藿

香。

治腹痛。平嘔吐。理胃宣中。辛甘並合。療疝瘕。祛寒溼。

疏肝煖腎。香燥偏優。

藿香有大小二種。形如八角者爲大茴。香如蛇床子者爲小茴。香食料入藥皆

以大者爲勝。今人但知食料用大茴。香其小茴。香概作藥用。亦習俗相仍耳。二者俱屬辛甘溫。能入肝與脾胃。統治寒溼疝瘕。小腸膀胱一切冷氣。至於宣中辟惡。開胃止嘔。亦皆辛香溫煖之力歟。

金石類目錄

以金

鉛

自然銅

銅青

黃丹

密陀僧

紫石英

硃砂

水銀

輕粉

雄黃

石膏

滑石

赤石脂

爐甘石

鐘乳石

海浮石

磁石

青礞石

花蕊石

食鹽

青鹽

芒硝

元明粉

蓬砂

硫黃

白礬

銀硃

禹餘糧

代赭石

砒石

石蟹

寒水石

元精石

膽礬

火硝

礶砂

鉛粉

古文錢

鐵落

雲母石

石燕

皂礬

鍼砂

金石部

李時珍曰。石者。氣之核。土之骨也。大則爲山巖。細則爲砂塵。其精者。爲金。爲玉。其毒者。爲礪。爲砒。氣之凝也。則結而爲丹。青。氣之化也。則液而爲礬。汞。是以禹貢周官。列其土產。農經軒典。詳其性功。亦良相良醫之所當注意者也。

金石類

金。安魂魄。鎮心肝。辛平無毒。定風痰。辟鬼魅。下墜有功。金爲

精華所結。故出自土中。稟西方之氣。其質重。其性剛。故能降肺金。平肝木。凡金石之出於土中者。有美惡之不同。其美者。得天地之正氣。正能辟邪。故除鬼魅。旣得天地之正氣。卽可無毒。其服之能殺人者。皆服其質。因重墜之過。故煎湯治病。僅用其氣。爲無慮耳。

鉛 味屬甘鹹。功歸肝腎。墜痰下氣。都因重鎮之功。明目烏鬚。

卻稟寒涼之性。鉛亦出土中為五金之祖。其色黑。其味鹹。故有入腎重鎮之功。至降肺金。平肝木。大抵與

金相仿。夫土之生物。美惡不同。即五金中亦各隨其所產之處。而性異。是以功用亦不相同也。

自然銅 續筋接骨。為傷損良方。破滯消痰。味辛平。小毒。自然銅出

銅壙中。壙氣凝結而成。內有銅脈。雖經火煉。難為器皿者。故入藥一經火煨。醋淬。即可研細。便能續筋接骨。消痰和傷。不特自然銅有功。即一切銅屑皆可。或醋煨內服。或研細外敷。每見銅匠。偶遇前證。用之即愈。

銅 青 吹喉可吐風痰。入肝臟。酸平。有毒。點眼堪醫弦爛。治

溼瘡蟲蝕無憂。銅青即銅之精華。結於銅器上者。今人以醋制銅上生綠。收取晒干用之。故主治皆酸苦。

涌泄入肝
搜風之用

黃丹 辛鹹性寒。沈陰走血。墜痰退熱。能鎮逆以療驚。止痛。

生肌可殺蟲而固脫。
黃丹用鉛與硫磺制成。未知其法。大抵外治之功。為長。其內服諸法。無非皆賴

其鎮固之功。而沈陰質重之物。究非所宜。

密陀僧 鎮心主墜痰涎。內服皆憑質冷重。滅癰痕。退皴鼻。外

敷咸仗味辛鹹。
密陀僧一云。鎔銀治中之爐底。其初銀鉛相雜。一經火煉。則鉛腳下滲。久而結成。一云。即

造黃丹之渣。腳熬煉而成。未知孰是大抵。總不脫鉛性。故功用與鉛粉黃丹一類。三種略有差別。凡外科熬煉膏藥。皆可

用以收膏。生肌涼血。均見其長。又五金之中。皆可以鉛配入。制成種種銅錫。高下不等。然則鉛之為用大矣。宜乎為五金

鉛 自然銅 銅青 黃丹 密陀僧 金石部

之祖也

紫石英。能走心肝。溫營血而潤養。可通奇脈。鎮衝氣之上升。

雖有五色之分。性味甘辛則一。

紫石英形似紫晶玉之類也。其形有五色之分而用者惟

紫白二種皆具溫養潤澤之功。不可火煉。若一經火煨則失其溫潤之性而有毒烈之禍矣。石藥之性悍信。能入心肝血分。煖子宮。鎮衝氣。且潤澤而有補性。故女子血海虛寒不孕者宜之。

硃

砂

味甘性寒。鎮墜有功。邪熱去。外丹內汞。癲狂無患。瘡

痰除。能辟鬼以安神。可護心而解毒。

硃砂出湖南辰州山谷間。稟離火以生。外陽內

陰中含真汞。得坤土純粹精靈之氣。故無毒而能解毒。凡物之稟乎正者皆可勝邪。石類亦然。忌火煨。專入心經血分。其

主治不離甘寒重鎮四字。硃砂之功足以盡之。

水銀 其質卽硃砂之液。性極陰寒。其治則蟲蝕成瘡。毒偏

重墜。還元返本。當知煅煉之得宜。拯逆扶危。須識配合之有

法。水銀用硃砂燒煉而出。沈寒大毒得凡火煅煉則飛騰靈

則凝得。硫則結銅得之。則明屍得之。不腐。然古方拯逆救危

每每與鉛硫並用。取其鎮墜痰涎。還元返本。其功不可盡掩

也。外治之法尤甚效驗。

輕粉 卽水銀之升煉。辛寒劫內伏之痰涎。能燥溼而提膿。

毒烈殺外瘡之蟲積。輕粉用水銀食鹽明礬升煉而成。其燥

烈升散之性與升藥相同。善劫痰涎。每

見下疳等瘡毒服此則牙根腐蝕或有冷涎從牙縫中出下疳雖愈毒畱筋骨致成敗證者多矣然生肌燥溼外治之功不可掩也

雄黃 稟陽精之氣以生驅陰破血具辛熱之功取效入胃

通肝辟鬼除邪化畱聚痰涎之積殺蟲治疥塗外傷蟲虺之

災雄黃生山之陽得陽精之全於地者也以明如雞冠內無砂石者良其石黃薰黃等或產處不同或變化不透氣味

惡劣止可殺蟲搽疥與雄黃有別耳忌火煨入肝胃破瘀血化痰涎以其稟純陽之氣故能辟鬼邪殺蛇虺解一切毒耳

石膏 退肺胃之火邪清暑除煩能止渴解陽明之鬱熱祛

溫逐疫可消癰性屬甘寒質頗重鎮石膏大寒質重味甘之物直清肺胃相傳解肌

之說皆因表有風寒裏有鬱熱故正氣被鬱不得透達于表
鬱熱解則表裏通矣大青龍之制亦猶是耳豈質重性寒味
甘之品而能發汗者哉

滑石 甘淡性寒清熱有功於肺胃分消質滑導邪直降於

州都除溼熱之稽留宣表裏而無滯滑石其性寒其體滑其質重沈降下行祛溼熱

從小腸膀胱而出有謂其燥者亦溼去則燥之故非滑石之性燥也或謂其能解肌者亦裏通而表解之意歟

赤石脂 固大腸治久痢腸紅療崩帶淋漓甘酸溫腎養心氣

可和營斂血塗癰風蝕爛敷帖生肌赤石脂此石其性最粘而有脂用以固濟爐鼎

甚良其味甘酸其質重鎮凡用藥治病皆宜察形觀色度其性味審其寒溫自有得心應手之妙不必拘拘乎本草諸說

總之其治能入心腎大腸血分其功不外乎固濇重鎮足以盡之

爐甘石 得金銀壙氣以結成能入陽明專燥溼用三黃煎水

而煨煉善療目疾可平肝止血生肌甘溫無毒爐甘石出金銀壙中金銀

之苗也舐之亦粘舌以其得金銀之氣故能平肝治一切目疾用三黃煎水煨用長于外治無內服方法耳

鍾乳石 上溫肺冷下壯腎陽質重性偏補火強陰通乳汁味

甘氣熱除寒治嗽理虛勞鍾乳石得石之津氣鍾聚成乳滴流成石內則中空如管故名稟陽

剛之性凡藥性之偏者皆可用于暫而不可久況石藥之氣悍哉昧者服之頓覺陽氣倍充飲食倍進形體壯盛為慶而不知暗損陰精致成消渴癰疽之禍矣凡肺虛寒嗽久不愈者用數分研細沖服神效又果樹上作穴納鍾乳末少許封

好則子多而味美其功概可想見矣

海浮石。體質輕浮。化痰火。癭瘤。清金利欬。鹹寒潤下。治濁淋。

積塊。摩腎開光。

海浮石海邊水沫結成其質輕其體空其色白其味鹹化痰清肺是其所長治淋者以其

鹹寒潤下又金為水之上源源清而流潔耳

磁石。引金氣以下行。氣納喘平。導歸水部。鎮腎虛之恐怯。

耳聰腎退。性味鹹寒。

磁石生于有鐵處為鐵之母中有鐵紋善吸鐵有子母相粘之象一云年久則

仍化為鐵想鐵之未成者火煨醋淬善拔疔瘡其功入腎能養腎氣鎮腎虛又能引金氣下行故腎虛濁泛而為內障耳

鳴等證皆可治之